

CrossPointe Mien Baptist Church Funeral Policy and Procedures Jiu-Baang Mienh Nzuonx Seix Nyei Zingh Leiz Caux Zoux Nyei Yietc Nyeic

Maiv gunv mbuo benx sienx Yesu nyei mienh, maaih hmuangv doic nzuonx seix se maiv zeiz hungheic. Maiv gunv duqv buangh jiex mv baac nzunc-nzunc maiv fih hnavg. Mbuo nzauh weic mbuo jangx taux nzuonx seix nyei mienh, mv baac mbuo maiv zuqc nzauh hnavg maiv lamh hnamv nyei mienh nzauh nor (1 Te[^]saa[^]lo[^]ni[^]gaa 4: 13). Mbuo nyei zunh doz mienh caux jiu-baang doic oix longc naaiv norm ziangh hoc tengx yaac orn meih mbuo nyei hnyouv, fu-sux meih mbuo nyei hmuangv doic. Kungx Ziouv nyei waac Ging-sou bun mbuo maaih laamh kaux maaih lamh hnamv dorngx yiem naaiv norm ziangh hoc (Lomaa 15:4). Yesu ganh gorngv, “*Yie se dongh bun mienh nangh daaih maaih maengc ziangh wuov dauh. Haaix dauh sienx yie, maiv gunv ninh daic mingh, ninh aengx oix nangh daaih. Haaix dauh ziangh jienv yaac sienx yie, wuov dauh yietc liuz maiv daic. Naaiv meih sienx nyei fai?*” (Yo[^]han 11:25-26)

Weic mbuo benx jiu-baang mienh, benx jiu-baang nyei hmuangv doic, benx Giduc nyei sin, meih mbuo nyei hmuangv doic nzuonx seix, CrossPointe Jiu-Baang mienh juangc jienv tengx meih mbuo mun, nzauh, juangc jienv tengx meih mbuo liuc leiz biopv sin-sei. Maaih hnyouv faux mbuox juangc jienv fongc-horqc tengx nzuonx seix nyei mienh nyei hmuangv doic ziouc juangc jienv fongc-horqc tengx.

Weic naaiv Jiu-baang mienh nyei (*Nzuonx Seix nyei Zingh Leiz fai Biopv Sei*) zoux nyei yietc nyeic se benx yietc nyungc dongh jiu-baang mienh biux mengh taux Tin-Hungheic nyei hnamv, yaac weic zoux nyei nyungc-nyungc maaih yietv maaih nyeic, yaac weic bun Ziouv nyei mbuox duqv njang-laangc. Weic maiv zoux dorngc Tin-Hungheic nyei waac, weic goux jienv Tin-Hungheic nyei mengh, weic maiv bun mienh daanh sienx Yesu nyei mienh, weic bun jiu-baang mienh baengh fim nyei tengx buonc-buonc jiu-baang mienh. Mbuo oix zuqc ei jienv Nzuonx Seix nyei Jiu-baang Leiz (Policy/Procedures).

1. Maaih mienh nzuonx seix, heuc mbuox zunh doz mienh caux jiu-baang mienh.
2. Caux zunh doz mienh caux jiu-baang mienh ca'laangh taux biopv sei nyei jauv, buoqc zangc nyei gong-ginc caux ziangh hoc. *Se gorngv hmuangv doic oix nor, zunh doz mienh a'hneiv nyei caux jienv hmuangv doic mingh biauv namx liuc leiz.*
3. Yiem CrossPointe Mien Baptist Jiu-Baang, mienh nzuonx seix se gorngv hmuangv doic oix nor, **gapv zunv yietc nzunc yiem biauv-ziouv nyei biauv** juangc jienv buoqc zangc baux nzung, zunh doz mienh doqc Ging-sou, juangc jienv daux gaux weic orn hmuangv doic: weic oix dorh Ziouv nyei waac daaih nunz hmuangv doic nyei hnyouv, yaac weic biux mengh Tin-Hungheic nyei hnamv, bun mienh maaih qiangx laanh tengx laanh, laanh orn laanh, bun mienh maaih qiangx zaah ganh nyei maengc, ziangh mbuo nyei maengc doix diuc Ging-sou, weic taaih Ziouv nyei mbuox.

4. **Yiem biauv namx (Funeral Home), caux zouv-gemh (Graveside Service)** buoqc zangc baaux nzung zunh doz: Mbuo zoux nyei weic tengx ziangh jienv nyei mienh, nzuonx seix mienh mbuo kungx haih tengx biopv sei hnavg. Lingh wuonh nyei jauv maiv maaih mienh haih tengx. Yiem nzuonx seix mienh ziangh jienv nyei ziangh hoc ninh ginv sienx Yesu fai maiv sienx.
5. Biopv liuz sei nzuonx biauv daaih, *se gorngv hmuangv doic oix nor*, maaih juangc jienv doqv Ging-sou weic orn hmuangv doic, juangc jienv daux gaux weic hmuangv doic, maaih nyanc ziouc juangc jienv nyanc.
6. Zunh doz mienh oix zunh doz yiem (Funeral Home/Biauv naamx, Graveside/Zouv gemh, and Home/Biauv). Zunh doz mienh ganh haih heuc mienh tengx ninh zunh se gorngv zoux maiv hingh. Dorh nzung mienh tengx dorh nzung yiem biauv naamx, zouv-gemh, caux yiem biauv.
7. CrossPointe Mien Baptist Church tengx zoux buoqc zangc nyei gong-ginc (funeral bulletin). Hmuangv doic ganh haih fiev fai zunh doz mienh haih tengx fiev Eulogy/Maengc nyei jangx. Nzounx seix nyei gong-ginc fai (funeral service) se benx buoqc zangc Ziouv nyei ziangh hoc, weic jangx taux nzuonx mienh nyei maengc nyei ziangh hoc, weic jangx taux Yesu laengz nyei waac. Nyungc-nyungc zoux nyei weic bun cing gorngv Yesu mienh za'gengh maaih lamh hnamv maaih lamh kaux, bun maiv gaengh sienx nyei mienh duqv haiz kuv fiensex.
8. Zunh doz mienh oix zuqc zoux horpc Tin-Hungh, taaih Tin-Hungh, gamh nziex Tin-Hungh, maiv zeiz gamh nziex mienh. Zoux nyungc-nyungc puix sienx Tin-Hungh nyei mienh. Lorz qiengx zunh kuv fiensex mbuox maiv sienx nyei mienh bun ninh mbuo haih sienx Yesu. Dorh nzung mienh baaux nyei nzung weic ceng, taaih Tin-Hungh.
9. Maiv dungx zoux zorpc mienv nyei jauv, maiv dungx zoux daaih bun mienh daanh Tin-Hungh nyei mbuox, jiu-baang nyei mbuox, fai hmuangv doic nyei mbuox. Oix zuqc zoux maaih yietv maaih nyeic hnavg Ging-sou gorngv nor, "*Mv baac maanc sic oix zuqc zueih yietv zueih nyeic nyei zoux horpc*" (1 Ko^{lin}to 14:40)
10. Jangx jienv oc, jiu-baang tengx nyei se liuz leiz sin sei nyei jauv hnavg. Lingh wuonh nyei jauv kungx Tin-Hungh ganh hiuv hnavg (Yo^{han} 10:14, 27; 17:3; Tidatc 1:2; Lugaa 16:19-31; Lomaa 14:8) Qiex dangx wuov zanc, maiv maaih mienh haih tengx taux lingh wuonh nyei jauv (2 Ko^{lin}to 5:8; Lugaa 23:43).
11. Ging-sou gorngv, "*Dauh dauh mienh zungv maaih nzunc daic, nqa'haav zuqc Tin-Hungh siemv zuz*" (Hipv^{lu} 9:27) Weic Yesu, sienx ninh nyei mienh maiv zuqc gamh nziex daic nyei jauv... Yesu daic liuz aengx nangh daaih bun mbuo maaih lamh hnamv maaih lamh kaux. Mv baac hnavg Tin-Hungh mbuox He^{se}ki^{yaa}. '*Meih oix zuqc liuc leiz nyungc-nyungc sung weic zuqc meih zungv oix zuqc daic.*' (I^{saa}yaa 38:1)